

Maysoûs aussalèses. *Rougè de Cardolle. Reclams 1973 p. 103* **183**

Toutes que soun arcoelhentes. L'Aussalés qu'èy d'aunoû e qu'a l'embit aysit.

Au truc de la gahe, que-s y a glaupat mantes assietasses de garbure, miques tirades dou metau, bèt tros de garroû ou de camot, quauques bols de broje ou de calhade, daban la sumenèje, au miéy de las lèuses dou hoéc batalhè.

En caminejan, lous oelhs esmabuts que-s lhèben sus lous hours bentourruts, adare riàles, qui ploumen sus la carrère.

Bèt cop, û pourtau ubèrt, abenén, que dèche béde ue parquie pabade d'arrebots, dab lou boulatûmi sus lou hemè amassoucat en û cor. Aci qu'èy la porte, grane, debatch de û lintèu mey soubén de père-talhe, e à clabère tribalhade, que de boès. Las ûes portes que soun herrades de claus de cabosse, en û soul tenén, d'àuðes à double batan, l'û entiè, l'àuðe en dus tros, lou de bach soubén barrat, lou de dessus ubèrt, enta ayreja.

Lou pourtalè passat, qu'èm à la borde, sòu de terre ou pabat. Dejà horte audou, la flayrade deu bestia que-b gahe deus oelhs enta la gargante, e qu'escots. Que-s y cau ha. Que-b seguira pertout en case.

Las dalhes, dragoûs, hargues, arrestèts, hourques e hourcats, houssés, cabéstrès, bast, l'aret, lou mercadé, l'arràsclè, lou satèc que-y soun penuts aus crocs, couंत्रe la muralhe, ou à barrejes. Utis de tout die... DE l'àuτε coustat, û escalè drèt que puje enta dessus. Que-y tourneram. Au houns, derà de la porte parade, qu'èy la court deu bestia, dab las minjaderes, lous arrestaliès, quàuques canaules e quàuques couràs qui pénen, û trubès enta arrounda ou mùlhe, lou soustrè apielat, û medot de hé, e à dessus la bouque bache de la troumpe, aquet eslurradé per l'oun arribè l'arpast despuch lou soulè de haut.